

5508/2440(1)

女士楚畹閣集

一



楚畹閣集卷一

常熟 季蘭韻 湘娟

古今體詩一

丁卯

玩月思親

月色溶溶似水流寸心飛逐碧雲秋長安道上公車穩  
屈指今宵到涿州

戊辰

武昌秋夜有懷諸姊妹

獨坐妝臺畔更長聽雁聲殘燈星焰小涼月水波清路



遠瑤華阻秋高玉笛橫故園諸姊妹相憶不勝情

新月

餘霞紅未散纖魄一痕生張尹眉初畫班姬扇未成雲  
端憐兔孕水底誤魚驚待得團圓夜還看萬里明

已巳

九九消暑詞

夏至纔交暑漸增芭蕉製就逐炎蒸宛然一管文人筆

終日揮來不肯停扇子不離手

紅日炎炎耀雪肌拋書停繡納涼宜班姬正在新承寵

未到秋風割捨時扇子不離手

井華一瓊暑堪消味似蜂房別樣饒解得閨中新渴疾

不煩公子手親調冰水甜如蜜

避卻銀燈一點光剛從密室試蘭湯羅襦不受凝珠澹

姑射仙人體自涼汗流如沐浴

幾番疎雨做涼天獨立桐陰思悄然忽地枝頭秋信到

剛剛吹墮玉釵邊頭帶秋葉舞

暫遊不為叩蓮臺閒向招提步碧苔縱使謝娘門望重

未妨一見濟尼來乘涼入佛寺

紅珠斗帳護雲窩七尺龍鬚出錦梭不為嫩涼侵玉體

也還常覆一重羅夜涼尋被單



桂花香裏獨眠遲  
自料孱軀自護持  
昨夜衾單香夢冷  
添將一幅始相宜

思量蓋  
爽被

吟成九九仲秋天  
蟋蟀聲多繞砌前  
一片金風吹不斷  
絮人偏向夢蒐邊

堦前鳴  
促織

### 納涼夜坐

雨過雲亦收  
月皎河無影  
隱約一聲鐘  
塵喧倏然靜  
不忍負明月  
攜琴鳴膝上  
豈求人悅耳  
我心自清曠

### 新秋

蟬聲滿院暑全收  
一片桐陰似水流  
削藕浮瓜閒裏福  
焚香浴硯靜中修  
乍涼乍暖初離夏  
時雨時晴恰作去

秋何處樓頭橫  
玉笛隨風吹煞不知愁

病起隨親赴黃岡道中遇雨

時方  
大旱

力疾出門去  
長途曉夜行  
親緣民事重  
我覺此身輕  
月黑風逾急  
雲低雨驟傾  
天心終愛物  
膏澤沛蒼生

### 九日荆襄道中

異鄉風景總淒然  
况值蕭蕭落翠天  
尚有流螢飛草際  
已看殘葉下車前  
經旬雒水城安行李  
九日蟾光過上  
弦祇惜征途負  
佳節黃花紫蟹正芳鮮

### 過岳陽樓

木落秋江上  
野航猿啼雁唳  
總悲涼  
片帆風裏遙相認



煙雨孤樓是岳陽

詠菊

木葉蕭蕭墮曉風，卻教黃菊艷籬東。  
品高隱士柴桑外，香入詩人酒琖中。  
淡意恰憑霜點染，閒情雅稱月玲瓏。  
枕囊收拾殘英後，一縷秋魂與夢通。

白菊

玉作光華粉作團，霜清露潔映闌干。  
衣因送酒惟裁紵，扇可招香試執紼。  
此色本來秋帝尙，是花合與月娥看。  
曉來對鏡添餘興，兩鬢元蟬綴雪寒。

庚午

春日寄懷景表姊文瑛

千紅萬紫逞韶華，獨怪庭前姊妹花。  
不管人分南北地，終朝含笑對窗紗。  
晴日游絲滿路颺，牽人離緒繫人腸。  
妝臺正值簾開處，卻見楊花認故鄉。  
寂寥春夜對花叢，猶記當年繡閣同。  
君愛彈琴儂覓句，此情拋付月明中。

玉蘭

天然玉貌映珠權，分得芳名九畹中。  
比似謝庭佳子弟，一羣清艷正臨風。



夕陽紅豔炙瓊葩一抹銀牆影半遮不屑扶持煩綠葉  
天教追步玉梅花

小春望後三日遊黃州赤壁山用壁間韻

褰衣臨赤壁逸興繼前賢四野輕陰合千家複道連雲  
根深護樹山色遠籠煙歷歷飛帆影遙知江上船  
闌閣同登眺清遊亦偶然蘆灘爭舞雪茅屋淡生煙雁  
字疎還密漁歌斷復連天然是圖畫著我在中邊  
一望心神曠茫茫萬頃田夕陽紅戀樹遠浦碧浮天二  
賦傳千古重遊待幾年低徊留不去山水有深緣

蠟梅

羅浮別種耐寒姿不待燈前玉笛吹如許鴉黃迎臘早  
笑他萼綠報春遲枝頭釀蜜蜂何在磬口含香蝶未知  
卻抱檀心渾不露一丸消息暗傳時

辛未

上元月次 家慈韻

一歲團圓月今宵看起頭霜威猶自肅雲影已全收分  
照瓊筵整交輝火樹稠冒寒堦下望我道勝中秋

春柳

新黃淺碧一枝枝正是纖腰學舞時青眼倦開綠底事  
翠眉深鎖最憐伊吹來飛絮風難定看到垂絲雨轉宜



慣爲行人管離別明朝儂去可曾知

明日將之武昌

自齊安之武昌舟中有作

春江一幅畫圖開如織帆檣對面來最好夕陽西墮處  
四山煙景聚樓臺

晚泊堤邊看落霞柳陰深處有人家幾聲短笛吹牛背  
一箇牧童臨水涯

風阻

雲籠茆屋樹籠煙靜守江干不放船悶把篷窗開一扇  
蕭蕭風雨水連天

燕

王謝今何處翩翩入我家好音流宛轉纖翅試交加晴  
日衝飛絮香巢襯落花離人感時物爲爾一咨嗟

秋夜

金風一縷吹簾隙渺渺詩情起遙夕小庭坐久悄無聲  
零露如珠滴秋月

聽雨

浙浙瀟瀟黯曲房九秋風雨倍淒涼梧桐葉與芭蕉葉  
一樣聲音教斷腸

江樓卽事

茫茫煙水望無窮始信初冬景不同鄂渚荻花疑雪白



漢陽楓葉染霜紅遙峯形狀疑山鬼故土音書問塞鴻  
倚檻渾忘臨眺久如盤明月到樓中

壬申

冬夜悲歌

時遭先君之喪

雲漫漫兮夜月無光朔風凜凜兮我心惻傷怨欲問天  
兮天何茫茫嗟今感昔兮涕淚沾裳思鬱結兮憂不忘  
詠悲歌兮悲彌長

贈景珖書表妹卽送還福山

月餘芳範纔相接荏苒光陰駒過隙人生聚散若萍蓬  
良會無多容易別追憶髫齡昔日情相憐相愛兩忘形

蕉窗琴軫還同理竹院圍棊每對枰一從吳楚遙相隔  
湘水虞山望無極落月相思耿五秋歸來一面翻如客  
前年君已賦天桃中饋從煩并白操咫尺天涯不相見  
兩情惟有託湘毫望得歸寧方晤面一番聚首情何限  
飲酒敲詩繾綣深將離毋那添悲怨行期迫促苦難留  
腸斷竟銷不自由春樹暮雲愁脈脈綠波芳草恨悠悠  
此時哽咽難成語握手依依淚如雨將何遺贈表予心  
尺幅鮫綃情萬縷

拙句書帕相贈

明朝南浦送蘭橈望寄魚書

慰寂寥從此離愁縈寤寐夢竟常逐晚來潮

春閨雜咏



鳩婦啼晴向畫檐卷簾依舊雨廉纖玉堦幾日無人到  
一片蒼苔漸漸添

羅衫薄薄怯寒深無奈東風著意侵斜倚畫闌渾不語  
一番心事耐沈吟

文杏天桃豔幾枝芳菲到眼總堪悲欲知何處愁腸斷  
最是初過寒食時

幽房窄地繡簾明曉日三竿夢尙縈枕上但聞窗外鳥  
一聲聲又一聲聲

春光紅紫媚晴暉爲怕牽愁晝掩扉燕子不知儂意思  
銜花故故繞窗飛

蓮葉泠泠漏滴餘惱人風雨夜窗虛繡筐鍼線閒拋卻  
一點孤燈照讀書

枯硯敲殘倦晚妝半庭芳草淡斜陽笑儂好似紅蠶樣  
不到絲完身不僵

經雨花枝淚有痕閒苔院落掩重門東皇去後韶華盡  
杜宇一聲人斷魂

### 白秋海棠

敲斜獨倚玉堦旁唧唧唵蟲助斷腸露滴冰姿看愈潔  
風吹粉面怯微涼本來珠淚前身化不作鉛華入世妝  
自抱素心盟碧月讓他西府占春光



聞蛩

小病影爲伴幽窗聞苦吟不知人有恨偏自訴秋心

癸酉

簡文瑛姊

時赴越

密意難憑尺素傳近來清况諒依然折花定必思同調  
刺繡曾經坐比肩儻遣寂寥宜筆墨莫因離別減餐眠  
暫時分手無多日也覺迢迢夢寐牽

遊錢塘江觀潮

我愛江景佳遂鼓遊江興江上集遊人盡道江潮勝平  
生安得此壯游快哉縱目江邊樓江水茫茫千頃白江

風獵獵萬壑愁雲連南北氣浩瀚此際天光日將半紛  
紛但見帆檣收大舟小舟泊江岸須臾共指潮頭來碎  
訇如鼓鬩如雷奔騰泅泅從空起飛濤打入天門裏初  
如出海雲萬片漸如一匹橫江練忽如玉山雲海齊傾  
頽倏如蜃樓海市多奇變傳聞大潮來其勢更莫禦昨  
日狂瀾百丈高沒卻前村多少樹我思江潮旣如此百  
姓胡尙居於是豈其上有吏循良不爲苛政驅民徙吁  
嗟乎恨不九京下起錢武肅手挽六鈞飛利鏃盡把江  
潮射退回萬年錫汝蒼生福

江樓遠眺



憑闌極目大江流千里煙波一望收山樹丹黃都入畫  
水天浩渺最宜秋參差層網紛漁戶歷亂帆檣渺客舟  
如此壯觀吟不盡臨行又作片時留

曉登龍井山

蕭疎氣象異三春初日天光分外晴攔路野花多絕豔  
迎輿小鳥最相馴得登雲物雙清地儼作神仙一輩人  
浣盡衣香塵不染秋風嵐翠灑通身

吳山絕頂登大觀臺

山巔傑閣聳峻嶒撒手欣從絕頂行此地果當全勝處  
斯臺端合大觀名下看城郭周圍小遠眺江湖左右明  
桂子三秋荷十里天然風景畫難成

湖堤晚歸

窈窕湖堤綠柳環置身如在畫圖閒板橋支岸柱微側  
茆屋壓流門半關野鴿行依秋草路征鴻飛繞夕陽山  
生憎早下嚴城鑰未許深宵月下還

昭慶寺煎茶次 家慈韻

古刹何妨小逗留汲泉煮茗興偏幽濤翻蟹眼煙縈鼎  
香咽龍團雪泛甌老樹有陰能蔽日空庭無雨最宜秋  
羅衫頓覺風生腋玉液雲漿未足儔

寄桃書妹



吳楚分襟四五年常期風雨對牀眠劇憐我到君偏去  
聚自無緣散有緣

幽窗寂寂月華明天末微雲雁有聲離緒縈懷吟不盡  
鎮拈湘管到深更

支離病骨怯清寒手展瑤箋仔細看情愈深時愁愈結  
淚珠幾度背人彈

臨行密密訂歸期節過傳柑爲底遲燈暗月殘風又急  
可憐人遇可憐時

秋窗風雨夕詞

秋風蕭瑟雁南翔秋葉飄搖染肅霜雲斂煙飛秋色黯  
孤燈夜雨倍情傷秋聲滿耳愁盈掬雨滴秋堦聲斷續  
褰帷下榻起徘徊悄然自剪西窗燭燭盡更殘夢未成  
誰能遣得此時情沿庭蟀語和鈴語隔院碁聲雜雨聲  
踈櫺紙破涼風怯尺六裙圍腰瘦絕秋意蕭條人意悲  
悲秋人在秋閨泣雨聲淅瀝灑芭蕉一點一聲聲轉急  
窗外芭蕉窗內人分明葉上心頭滴

淚

情到窮時一哭償縱橫界破玉容光暗垂月下和燈畔  
慣滴衾中與枕旁哀怨獨傾千百點別離分墮兩三行  
已教湘水成斑竹更向秋堦發海棠



九九消寒詞

初交冬至晝陰陰寒入房櫳倦繡鍼小婢催將梅瓣染  
待拈湘管又沈吟

相見不出手

連番小雪潤芳泥偶爾尋梅小院西女伴相逢攏翠袖

相親相愛不相攜

相見不出手

依稀霜籟動邊聲風入寒林絮不清料得胡笳傳塞北

一般慄慄逼深更

樹頭吹筆築

重衾不喜爇香篝紙帳梅花下玉鉤清夢乍驚寒徹骨

月明猶認在羅浮

夜眠如露宿

五九何勞瑾戶謀負暄野老不須愁典錢好脫黃絲襖

沽酒村家唱越謳

窮漢街頭舞

時逢六九嫩春生綵勝花旛照眼明紅日滿櫺朝睡覺

誤人枕上聽雞鳴

蒼蠅上檻欵

雲裘一襲解偏宜削玉玲瓏瘦不支恰稱綠梅花下坐

含毫雙聳細吟詩

卸襖兩肩攤

漸交八九草痕青晴日融融滿小庭宋鵲狸奴都不見

耳邊惟聽響金鈴

貓狗卧陰地

隴頭農事喜春晴小婦提壺大婦耕儂也關心思種藥

預鋤窗下碧苔平

犁笆一齊出

小春望夕



碧天如洗月華明一片金波凍未成殘菊尙餘十數本  
晚蛩還絮雨三聲雲中雁字關心看露下苔紋信步行  
青女素娥知也未清宵相對不勝情

讀左芬賦

三千粉黛遜才華不是承恩繫絳紗斑管一枝君自愛  
勝他竹葉引羊車

讀五代史

割據紛爭日用兵天心竟不惜蒼生休誇克用能生子  
只羨朱三卻有兄批頰事誠亡國兆殺身禍起亂倫情  
幸他每夕焚香祝降下真龍定太平

神器公然等竊鉤石郎畢竟罪爲尤安危事出蠻夷手  
反覆情由桑景謀割地輸金人共憤稱臣作子帝堪羞  
九原還恐明宗怒愛壻分明是國讐

漢家興廢太怱怱四載旋看國運終逢吉難違宏肇議  
劉崇實負李驤忠生無繆語推丞相誓不由衷笑侍中  
莫道欺人孤寡易陳橋轉瞬事還同

破山寺用唐常建韻二首

何處尋山寺先聞磬隔林翠微穿曲折蘿逕探幽深  
覓句思唐韻焚香起道心果然凡籟絕魚鳥盡知音

筍輿游北郭幽僻愛高林寺古佛容老泉清潭影深是



誰居福地令我絕塵心修竹萬竿密風敲學梵音

楚畹閣集卷二

常熟 季蘭韻 湘娟

古今體詩二

甲戌

次子謙夫子催妝詩韻

檢點釵奩欲語遲背人特地告君知儂家贈嫁無他物  
只有周南一卷詩

窺人月影綺窗橫良夜迢迢夢未成爲欲問安堂上早  
關心和我聽雞鳴

菊枕



爲惜籬邊種收來貯枕囊雅宜橫竹簟清比集蓉裳化  
蝶竟猶繞眠鴛夢亦香月明三徑靜回首舊家鄉

乙亥

哭姑

森森慈竹萎冉冉金護槁悽悽我心悲怒焉正如擣憶  
昔未來歸聞姑病魔擾無由覩慈顏寸中殊慄慄旣得  
拜堂前愛兒若珍寶調羹知未諳問安憐太早種種罔  
極恩覩縷豈能道慘茲骨月緣七旬計尙少

得侍慈顏  
才六十八

日追思噩夢驚昕夕呼天禱

曩夢大士語余汝姑病不  
起矣覺後心常憂之輒申

所禱不誠神不應默自傷懷抱慘爾逢歲朝遽棄歸瑤島

慈德在人心慈容悲杳渺霜凌庭前竹依然寒絲繞風  
搖砌下萱猶自孤花裊撫今以思昔柔腸斷如絞簌簌  
淚雙紅餘痕漬素縞

春日同子謙

小立東風裏談詩倚石旁閒雲如意嬾流水託情長花  
影靜生媚苔痕微有香不須借隱去已自俗塵忘

茵湘姑索題墨梅畫扇

梅花如仙人皎皎出塵姿梅花如美女玉骨冰爲肌籠  
煙看固好伴月開尤宜幽窗生逸興含毫寫折枝白雲  
隨意染春風信手施一片墨花飛過處便是暗香浮動



時

夾竹桃

瀟湘風景武陵春連理枝頭璧月新愛彼不言貞自抱  
千秋羞殺息夫人

灼灼穠華映玉腮亭亭標格出塵埃此君端合諧之子  
巧費天公配合來

蘋花

秋老汀洲幾簇明浪花飄處更輕盈肯教蝶向河干採  
誤被魚吹水面行飛絮莫將微舊果浮萍休得混芳名  
任從開落無人問夜月清江了一生

風送微馨漾碧流最纖妍又最清幽香添雨後三篙水  
影寫江頭一鏡秋著眼剛從垂柳岸關情應有採蓮舟  
季鷹只解蓴羹美曾向吳興買櫂不

栽培何必費人工自占清波放幾叢冷色甘隨蘆共白  
幽姿肯與蓼爭紅采芳端合從南澗落豔多應怨北風  
不比菱花開七出被人依樣鑄青銅

落翠天光冷夕曛荻芽菰米正紛紛芳拳藻葉原同調  
瘦比梅花定幾分瑣碎疑浮千點雪蕩搖如隔一重雲  
沅湘香草知多少怪底離騷不著君

與外讀白頭吟



有情從古感知音未必相如有二心底事忍言相訣絕  
千秋傳作白頭吟

歸寧贈外

離緒茫茫感百端寸心惟望共平安休因夢好翻添憶  
莫爲音疎致減餐排悶好將詩句詠相思但展畫圖看  
尋常咫尺猶嫌遠

外就劉氏讀書

隔一重城更渺漫

寄外

花陰寂寂夜沈沈獨倚闌干別緒深孤負閒庭好風月  
只彈珠淚不彈琴

暑窗十詠同子謙作

紗廚

任爾蚊雷聚難教入此中一層如隔霧四面盡通風步  
儼施青障題還倩碧籠安排能得地避暑學壺公

席棚

乍疑天作幕頓覺滅炎光赤日從空過陰雲到地涼卷  
舒憑我意覆庇及鄰牆若愛深宵坐依然露滿裳

竹牀

一枕新涼足移來向綠天美人曾小倚君子稱高眠帳  
挂梅花瘦衾鋪楮葉鮮湘雲與湘雨消息在中邊

瓜燈



碧月當窗挂驚看鏤削奇圓還疑未破薄愈覺相宜表裏全身徹炎涼刻骨知虛中翻致熱怕說鎮心時

燈罩

底用琉璃護蘭房一點紅殘缸長黯淡倦眼略朦朧望月從雲際看花似霧中爲憐蛾近火豈獨賴防風

蕉扇

裁剪煩纖手玲瓏稱手持記曾聽密雨藉此颺輕颺宛轉招涼日依稀分綠時數行勻界畫原是待題詩

蘆簾

心薄蝦鬚製蕭蕭織荻宜藥欄今喜護紙閣昔曾垂未被鴻銜去翻教燕到窺此中有人否可似水邊時

螢囊

小掾縫紗片分明不貯詩清如懸蛤處冷比照書時腐草前身認輕羅此夕持莫教星共散收拾此中宜

花籃

方圓無定式巧製出園丁挂處當風豔提來帶露馨藥穿珠密密枝插玉亭亭待得開齊候紗廚夢正醒

拂塵

入握同如意能驅暑氣蒸指揮消野馬搖動散飛蠅說偈禪堂舉談元客坐登秋涼莫捐棄留撲七絃冰



七夕詞

鵲橋填處銀河渡。謾語天星太不倫。莫說夫妻緣是假。卻憐兒女認爲真。癡情最是長生殿。倩影無非乞巧人。我愛素娥高獨絕。未曾一步出冰輪。

檐鐵

垂垂彩線颺輕盈。不住房檐弄日晴。花外敲同鈴鐸脆。簾前絮共珮環清。離人風雨愁難破。宿鳥枝柯夢易驚。儻使讀書秋閣裏。錚鏘飛騎訝宵征。

對月口占寄外時余歸寧

我對月思君。月照君懷我。那得天風吹。合并月能照見。

雙入坐。月照君懷我。我對月思君。兩心相照。本如一離愁。萬斛知平分。

長相思寄外

長相思。縈寸心。月皎不成寐。焚香橫素琴。一彈愁欲絕。再彈思愈深。曲終背人花下立。幾行清淚羅巾溼。長相思。夢竟繞。別時多。聚時少。月雖一月。一回圓。十二萬年能永保。可憐世上別離人。爭似姮娥常不老。長相思。生悲哽。一點秋燈羅帳冷。醒時愁較夢時多。可奈深宵偏耿耿。知君此際未成眠。脈脈也將愁味領。

蠟梅



一枝風物異羅浮暗點鴉痕到額頭芳信先傳瞞玉笛  
幽熏微度背香篝朝吟嚼稿丸初擲夜坐開軒燭未收  
香沁蜜脾新睡足橫陳紙帳也風流

歸訥齋

銜

廣文屬題義莊詩

代表祖  
姑母作

漢有樊重與荀淑皆能析產贍貧族宋范文正置義田  
惠恤宗支米萬斛嘉名彰彰垂簡編千秋盛舉誰能續  
吾虞爲善溯宏農天旣報之名與祿聿有歸氏賢季昆  
孝友之心自天篤椿庭樂善兼好施行本醇良性和睦  
亦思仿行范氏法矢志未逮登仙籙未幾兩君皆成立  
緬懷父志追前躅務自搏節數十年勉力行之罄所蓄

負郭爲營千畝田傍廬更闢卅閒屋養生送死有常道  
男婚女嫁多分粟子弟人人要讀書延師特爲開家塾  
合族濟濟數百人飢寒無苦咸豐足大吏聞之牘上  
聞煌煌綽楔恩優渥克終父志孝旣全能調族困義  
更卓大孝大義著鄉閭不使宏農擅其獨吾人爲德豈  
有因心期其報毋乃俗然而積善有餘慶種其德者食  
其福

檢書

與子謙同作

牙籤插架慮拋殘晴日閒窗取次攤甲乙關心休倒置  
丹黃信手喜重看潑來茗椀抽應記藝到芸香課已完



爲是平時勤護惜無須試曝向花欄

臨帖

繡餘摹取十三行楊本留心辨晉唐書法不同憑揀擇  
筆姿相近遜清蒼一波一磔都應玩雙勒雙鉤未覺忙  
莫道夫人容易學終慚小婢太張皇

鼓琴

淡到心如水平一泐焦桐纔許對窗橫難從絕調求同調  
任是無聲勝有聲二五指中飛雁迴十三徽外落梅清  
誰爐煙穗猶縈袖曲罷含情月自明

製藥

方秘龍宮不可求何因小病手親修分來上下心須細  
配合君臣意要留清夜正宜和月搗空山曾記帶霜收  
鴉鬟誤聽丹鑪沸認是茶鐺響未休

論詩

葩經一部習童時本旨何嘗盡得知寫出性情纔是我  
精於格律庶堪師腕中有鬼談何易骨裏無才作亦癡  
與子狂言應不礙未經人道始稱奇

浴硯

琉璃小匣啓窗邊親把紅絲濯碧泉滑不能沾荷出水  
披還卽脫墨如煙依稀蝨足浮花見細碎蠅頭銘楷鐫



一爲摩挲一揩拭寸心與汝願同堅

烹茗

竹鑪安頓近迴廊良夜清談合共嘗薪仰古槐初掃得  
甕藏宿水試開將鶴翎避處煙猶溼蟹眼翻時火亦香  
不僅相如消渴疾爲儂分潤到詩腸

供花

手整軍持露未殘插時更比折時難略經裁剪如詩好  
務極玲瓏當畫看落朵不禁心上惜餘枝可設鬢邊安  
生憐終是無根物滿注清泉莫太寒

曉

限用閨情旅況禪味朝儀四義

銅籤報曉夜方闌陌上花開露未乾鶯囀繡幃驚去夢  
雞聲茅店怯衝寒晨鐘乍動參千佛禁鑰初開擁百官  
漸看煙消殘月落瞳矐日又上闌干

暮

限用城市院落驛路閨閣四義

明蟾未吐日將沈暮色蒼茫思不禁夕爨萬家人掩戶  
斜陽半壁鳥歸林柳邊亭堠投征騎花下簾櫳罷繡鍼  
一片落霞紅不了暝煙深鎖翠微岑

子謙寄見懷詩奉答數語

漫漫夜何長輾轉不成寐讀君一函詩助我數行淚  
冷雨夜敲窗慣觸愁人耳添得許多愁雨聲還不已



相離才幾日兩地思悠悠莫道愁成累無情不解愁  
枕畔夢回初錯語羞低首記得乍依君也會呼阿母

附原作

敲枕不成寐浩浩風聲起只隔一重城相思論萬里  
遙識今宵裏成眠一樣難輸他情薄人翻得兩心安  
思君迢迢夜我已愁腸結翻生冀幸心願爾暫拋撇  
相聚日益深相別日益苦分手憶前年不是愁如許

丙子

題子謙寫贈墨竹軸

乙亥冬月見趙承旨題管仲姬墨竹心以未

得爲恨因於小除夕寫此圖見貽孰知不兩  
月而物在人亡追憶前情痛何如也和淚書  
一絕句

慕古情深寫數竿一回展處一心酸豈知留此瀟湘種  
教灑啼痕紙上看

丁丑

悼外

自去春遭變淚枯腸斷倏已年餘追思前事  
如幻如夢隨筆雜書聊以當哭不自知其言  
之不文也



傷心難賦大招篇，怨雨淒風只訴天。灑遍杜鵑枝上血，淚珠流不到重泉。

記得當年始訂盟，紅絲一縷繫三生。玉臺短夢分明兆

月正圓時雨驟傾

庚申中秋定聘大雨

坤靈寶扇遠傳將，佳果方誇語吉祥。不道蓮房空並蒂

亭亭一夜折秋霜

戊辰家大人宦楚北君寫蓮房果熟扇寄家慈

一瓣心香叩九天，至誠能得彼蒼憐。如何偏不憐仁孝

反使高堂哭少年

庚午翁宦粵東得疾旋里君參北辰三年疾愈人稱孝感云

楚水歸來過大祥，阿娘爲製嫁時妝。自憐薄命如秋葉

歡笑無多飲泣長

壬申遭先君之喪甲戌除服於十月廿二日來歸

縞襪弱羽拜堂前，深荷姑恩宛轉憐。得侍慈雲纔兩月

與君同抱恨終天

乙亥歲朝遭先姑之變

罷施膏沐棄釵鈿，形影淒涼肺腑煎。寂寞總幃春黯黯

夜深相對泣燈前

居喪兩載斂眉峯，况在愁中與病中。每到春光明媚日

桃花人淚一齊紅

不啓鏡奩商掃黛，容分燈火共繙書。祇緣相敬如賓友

縱使心同跡太踈

綠窗同賦碧桃枝，戲說春蠶作繭時。今我獨吟悲往事

似蠶將死吐殘絲



青山結宇水浮家雙隱神仙願太奢憶着海榴花底語  
只堪痛哭過年華

相約晚年或浮家湖上或借隱山中

清簟疎簾罷弈碁暑窗分韻友兼師平生細數舒眉日  
只此無多病起時

也會七夕笑牽牛豈料良緣一旦休天上經年終小別

人間一別竟千秋

甲戌君有七夕詩云到得明朝成曠別幾曾天上勝人間

惜暖禁寒為病身殷殷調護太艱辛感君宛轉情千縷  
不數當年取冷人

藥鑪相守閉簾櫳荒卻共窗翰墨功今日孱軀偏獨在  
一雙清淚哭秋風

病起襟懷絕點塵瑣窗韻事擬題新而今事事皆成恨

一度思量一愴神

余十月病起與君同作瑣窗韻事詩

緣淺常教別淚彈暫時分手也心酸悟他脫口偏成讖

相處深時別益難

仲冬余歸寧君寄詩有云相聚日益深相別日益苦

寒宵常與坐深更伴讀圍鑪茗自烹此夕慘餘書卷在

孤燈影裏絕吟聲

浮生離合太難猜除夕還同守玉臺不忍照人惟畫燭

替儂流淚到心灰

除夕歲燭頃刻消滅

為向高堂問起居又添蹤跡一句疎深憐弱質春風厲

敲枕還修絕筆書

君病前十日適余歸寧聞病欲歸猶接手書云當此春寒益宜調護切勿



歸也此後不復舉  
筆矣痛哉痛哉

噩夢三秋記得清病音傳至膽先驚早知永訣無多日

卻悔當初澣葛行

曩常夢至一處小屋數間溪流一帶青苔白石虛無人焉乙亥秋又夢其

處忽有一人出曰汝緣將盡矣余恍如還家見君素衣冠而卧醒以告人咸以夢境爲解嗚呼孰知夢之非夢耶正月下旬母命歸寧余力疾而行殊非君意只知小別今恨何伸

含悲力竭禱蒼天更聽淒其話可憐緣似曇花剛一霎

虛傳鴻案已三年

彌留一息尙神清事事丁寧哽咽成言盡囑休思往日

計窮還與約來生

病危頻以待翁續孤爲囑并與期來生約

心知永訣情難訣手到如冰尙共攜痛絕良緣從此盡

誤人畢竟是靈犀

十五日握手泣日良緣盡矣可恨庸醫誤我疾尙可爲誤投犀角數劑遂

致不起

臨危猶著素衣冠再拜高堂幸自寬從此加餐須努力

更無兒女爲承歡

臨歿索素衣冠拜父而後瞑

做到遺容縱得神聰明賢孝畫難真蓋棺自有公評在

贏得啼痕徧六親

形單影隻尙何依旦夕惟將死自祈叫徹蒼天終不應

任教血淚灑麻衣

來去分明白灑然若非作佛定昇仙文簫究竟歸何處

兜率天高望眼穿



紙錢心事共成灰日對金經誦幾回君自雙攜嬌妹去  
孤棲我更勝泉臺

久擬追隨共死生餘生豈惜爲君輕祇緣罔極親恩大  
強住人間負舊盟

繙來殘稿亂如雲未忍重看灑淚焚豈料戲言今到眼

非君悼我我悲君

君平日以余殘箋零稿藏一笥中余戲語云留此他日作悼亡詩料耶今

反而爲之痛何如也

遺書檢點付裝池墨彩飛騰似往時讀到萬千珍重語

癡心猶認暫分離

以下四首以君手札裝冊

慘將手澤夜頻繙挑盡殘燈眼欲昏一度看來增一慟

新啼痕漬舊啼痕

生時小別未音踈死後離情積歲餘江上鯉魚天上雁  
可能傳到夜臺書

勘破鴻泥筆預傳人間萬事總雲煙紅窗一載分燈火

了卻三生翰墨緣

乙亥冬見趙承旨題管夫人墨竹心以未得爲恨君貽札云卽或購得亦

如雲烟過眼今展對數日已了翰墨緣矣

獨立蒼苔苦自思他生重晤可能期此情百劫難消滅

化石還須有爛時

前歲離家日下幃盼君常自盼斜暉何堪一樣移花影

黑盡書窗尚不歸



族黨羣稱之子賢爭將遺墨寶雲煙愛君因愛君書畫  
畢竟人傳藝始傳

生死無從訴別衷幾回祈夢夢難通情知恐我添離恨  
未肯幽魂入夢中

落盡燈花淚獨傾總幃岑寂不聞聲無情最是樓頭月  
依舊紗窗夜夜明

孽海情河淚日流讓君先脫者番愁何時撒手西天去  
一笑蓮花又並頭

今日哭君君不聞他年哭我更無君自研殘淚舒悲憤  
寫破情天幾葉雲

荳湘夢蟾兩妹遺照各題二律

兩載襟懷許共知一朝訣別影參差况君玉隕珠沈日  
正我釵分鏡破時屬纊未曾親含斂披圖空復仰容儀  
死生隔絕悲無已酸鼻歌成薤露詞

展到殘箋淚滿襟彩雲縹緲去難尋衛娘筆陣書懸腕  
鮑妹詩篇句嘔心絕命君因哀雁侶

荳湘妹因兄病傷  
危一慟先絕

心我自愧鴛禽琉璃硯匣空塵網隔歲春風直至今  
朝夕相親形影隨曇花委去使人悲卽論賢淑應心服  
若較聰明定首推塵俗斷難諧鳳偶天公何苦忌蛾眉  
遺真相對渾無語腸斷臨風淚暗垂



慘過妝閣冷埋塵舊事還疑未必真玉子半杯遭浩劫  
瑤琴一曲感蕭晨夢蟾妹善琴能弈翻來殘繡花無恙檢得遺  
書墨尙新一縷幽冤招不得定歸泉下奉慈親

嘉慶丁丑二月二十六日嗣夫族兄懋修第三

子爲子取名承柱遵遺命也詩以紀實

珍重遺言議續孤兩房俱待第三雛玉堦果報三芝秀

人願天從信不誣

夫子歿後卽議嗣按宗支昭穆應嗣夫從兄溱瑞次子顧已許其已故之

胞弟爲後矣又夫族兄惟泰惟豫俱早有子二驟難割恩未便相強因議定三房內有先舉第三子者承嗣今如所願懋修維豫字也

鍾郝閨房各不猜病軀愁少結珠胎夢中火棗仙人授

竟有紅蘭應兆來

承柱係伯妯吳氏所生妯善病自謂生育無望乃卽於定議之夕夢神授

以仙棗妯姪後卽爲余言之

將近湔裙倍切思裁衣選乳預操持弄璋弄瓦憑天定  
一任旁人笑我癡

上元明月正團圓報道添丁合宅歡親向靈筵低祝告

一回心喜一心酸

承柱生於正月十五日

剪鬢爭看玉雪膚晴窗風日試將雛牙籤插架分明在  
願爾他年讀父書

午日

誰真弔古祭江皋藉作清遊託興豪惟我滿懷填傀儡



只宜痛哭讀離騷

空纏彩縷繫愁根  
淚點榴花盡血痕  
畢竟無情是蒲酒  
問會何處一招魂

戊寅

展夫子遺照

鎮日含愁掩繡扉  
展看遺像淚沾衣  
儀容宛在緣偏盡  
魂魄難招夢亦稀  
靈案不妨仍對舉  
夜臺祇望早相依  
殉身悔負從前約  
一著非時事事非

題外叔母吳孺人遺照

宜家宜室助梁鴻  
雍穆咸推林下風

孺人本姓李寄與其姑遂爲今姓

正喜夭桃能有實  
那知芣苢竟無功  
黛痕忍見圖中柳  
琴韻悲聽爨下桐  
更歎遺珠似織鬼  
一齊飛入廣寒宮  
一回披卷一傷神  
太息于歸未及親  
慧業過深偏早世  
良緣太短豈前因  
重泉有日終攜手  
苦海輪君竟脫身  
莫爲天亡嗟薄福  
勝於人作未亡人

趙烈婦詩

烈婦水渠曹氏年二十歸福山趙翁子二舍  
不三載而二舍瘵亡遺命改醮婦約十日內  
相從地下悉賣衣裙紡器營喪葬七日後同  
里有覬覦婦者翁利其金而許之婦聞驚泣



遁歸母又不諒乃乞百錢抵家日向夕矣晨  
起市蔬果祭夫哭盡哀鄰婦方踵門勸慰婦  
已託故雉經死矣爲之詩曰

世上傾城何足數惟有大節垂千古男兒就義史尙多  
女子捐軀世難覩虞山城北福山里曹家有女羞羅綺  
芳年二十賦于歸阿翁賣藥東頭市翁爲市僧父爲農  
十指辛勤恃御窮織紵組紉新婦職挽車提甕大家風  
何圖伉儷無三載瘵疾經年郎幾殆買卜求醫鎮日忙  
焚香禱佛終宵待可憐轉眼值炎天一命如絲不再延  
安石達權思遣嫁鄧攸無子囑更絃豈識婦心堅匪石

勁節真堪比松柏誓從地下續良緣十日爲期計先決  
潛潛血淚暗沾襟猶恐多傷堂上心典盡布裙求櫬木  
質將紡器易衣衾翁真駟僧惟金好逼令琵琶彈別調  
蝶使蜂媒取次來不許霜筠勵貞操忽忽馳赴白雙親  
可奈雙親喚不應乞得百錢歸抵暮市來二簋祭侵晨  
麻衣如雪流哀涕慘向靈帷申密誓鶴怨烏啼戶外聞  
村姬鄰媪門前至爲言切勿太輕生翁意無非試女貞  
不入耳言雖苦勸最傷心事是前盟託詞我倦休相絮  
闔戶從容覓死處半條素練殞梨花一代紅顏溘朝露  
翁歸叩戶闐無人驚絕芳魂已返真玉化王家喧里巷



香閨陰氏動鄉鄰里人好義憐其烈釀金得斂埋同穴  
先徵士女作風詩後請 朝廷營綽楔生無二天婦所  
當斯事何足相傳揚獨奇簞戶蓬門婦未讀詩書識大  
綱吁嗟乎穢可投崖可墜不是精誠安可致奮筆吟成  
烈婦詩留待輶軒採風使

歸佩珊 懋儀

夫人以詩稿見示率呈一律

傾襟十載仰才華奈隔橫塘一水斜此日幸親林下範  
春風徐拂後堂花量材可借昭容尺授業甘摹宋氏紗  
安得追隨妝閣裏移來桃李女兒家

佩珊夫人以瑯琊女史葬花詩見示命次原韻

薄病情懷高閣中連朝雨雨又風風傷心欲向東皇訴  
底事花開便落紅

悵望殘英淚滿腮一番收拾一低徊可能把我愁千縷  
同塵深深淨土來

惜春心緒自年年怨海情波詎可填願得零香兼賸粉  
齊歸蓬島作飛仙

情天欲補乞靈媧今古茫茫願望賒悼惜芳魂兼自悼  
一生薄命不如花

愁

一縷初來渺若絲旋牽萬緒弱難支臨妝輾轉惟嫌悶



和病纏綿不諱癡曲檻斜陽閒倚處小樓細雨夢同時  
兩般最是酸辛味付與雙眉白得知

除夕感懷

無眠非守歲感昔愈悲今身到分生死情方見淺深寒  
燈陪隻影殘漏促孤吟除夕難除恨拈毫淚滿襟



